



KO TE

KAHITI O NIU TIRENI.

HE MEA TA I RUNGA I TE MANA O TE KAWANAPANGA.

PONEKE, TAITE, HUNE 25, 1885.

"Ture arai mo te Hoko Tahae i nga Whenua Maori, 1881."

PANUITANGA.

Tari Maori, Poneke, Hune 9, 1885.

TIMATA ana i te 1 o nga ra o Hurae e haere ake nei ka tu ko te Tamuaki me nga Kai-whakawa o te Kooti Whakawa Whenua Maori anake hei Komihana Kai-tiaki i raro i "Te Ture Arai mo te Hoko Tahae i nga Whenua Maori, 1881," a ko nga Tiiti katoa e meingatia ana kia whakamuna i raro i tana Ture, me nga pukapuka ranei whakahe ki aua Tiiti kia kaha e whakamuna, me tuku atu ki te Kai-Rehita o te Kooti Whakawa Whenua Maori o te Takiwa e takoto ai te whenua e meingatia ana kia tukua, a ma taua Kai-Rehita e tuku atu ki te Komihana Tiaki.

He mea whakahau,
NA TE RUIHI,
Hekeretari.

Panuitanga i raro i "Te Ture Whakakatika i nga Ture Whenua Maori, 1883."

NOTEMEA kua whakaturia a William Iorns raua ko Maudhera Maaka, me William Iorns raua ko Hamuera Tangatakiro, hei Kai-tiaki i raro i nga tikanga o "Te Ture Whakahaere i nga Whenua Tuturu o nga Maori, 1867," me nga Ture Whakakatika i taua ture, me nga take me nga paanga o Te Wauri, Te Rimene Rire me Te Alikouhai, Maori o Niu Tireni, me nga take me nga paanga o Karanama Riki, Maori o Nui Tireni, i roto i te whenua e mau nei te whakaaturanga i roto i te Kupu Apiti ki tenei, kei te takoto hoki te tikanga here ki runga ki taua whenua, a kua puta he tono kia unuhia ana here.

Na, he whakaatu tenei kia mohiotia ai e meingatia ana kia unuhia tonatia te here i runga i aua take me aua paanga, ina pahure nga ra e ono tekau i muri mai i te perohitanga o tenei Panuitanga ki te *Gazette* me te *Kahiti*, he mea kia taea ai e aua Kai-tiaki te reiti i taua whenua mo nga tau kotahi tekau-ma-wha tinafa i te tau o nga ra o Aperira, 1883.

He mea tuhi i Poneke i tenei te ono o nga ra o Hune, i te tau o to tatou Ariki kotahi mano e waru rau e waru tekau ma rima.

HONE PARANIHI,
Minita mo te Taha Maori.

E TE ATUA TOHUNGIA TE KUINI!

KUPU APITI.

TEBA pihi whenua katoa kei Te Oreore i te Takiwa o Waira-

rapa, e mohiotia ana ko Okurupatu, e 5,000 nga eka i roto nui ake iti iho ranei, haunga ia te wahi o taua poraka e takoto ana i te taha whaka-te-tonga o te huani aua atu i Mahitaone ki Taupera ki Runga, me tera wahi katoa e 20 nga eka i roto kua wehea mo nga kai-tuku i te reti.

"TE Ture Reiti i nga Whenua o te Karauna me nga Whenua Maori, 1882," me te Ture Whakakatika i taua Ture.

Ki te tangata mana, ki nga tangata ranei na ratou nga whenua kua whakahuatia i roto i nga rooru whakaatu inga utu o nga whenua Maori, kua tukua atu nei ki nga poari takiwa e mau nei nga ingoa i roto i te Kupu Apiti ki tenei, i raro i nga tikanga o nga Ture kua whakahuatia i runga ake nei me era atu Ture katoa e pa ana e whai tikanga ana.

NOTEMEA kua tukua mai he tono ki ahau Te Minita Whakahaere i nga Moni o Niu Tireni, e mau nei toku ingoa i raro iho nei, e nga poari takiwa e tetahi tangata ranei me te taha ki a ratou, i raro i nga tikanga o "Te Ture Reiti i nga Whenua o te Karauna me nga Whenua Maori, 1882," kia utua nga reiti e meingatia ana kia utua i runga i nga tikanga o aua rooru :

He panuitanga tenei ki i a koutou ki ia tangata ki ia tangata o koutou, kia mohio ai koutou kua takoto nga rooru o nga whenua Maori ki nga tari o aua poari takiwa, ko aua rooru he mea tuhi ki te reo Maori, a e whakaatu ana hoki i nga utu o nga whenua Maori kua whakahuatia i runga i aua rooru.

Na, he tono tenei ki a koutou ki ia tangata ki ia tangata hoki o koutou nga tangata na ratou aua whenua kia utua o koutou aua reiti a te 20 o nga ra o Hune, 1885, i mua mai ranei o taua ra, me utu e koutou aua moni reiti i te tari o te poari o te takiwa i takoto ai aua whenua, tena te whakaaturanga kei te Kupu Apiti.

KUPU APITI.

Te Ingoa o te Poari Takiwa.	Te Tari o te Poari Takiwa e utua ai nga Moni Reiti.
Rori Poata o Birkenhead	.. Auckland.
Rori Poata o Ormondville	.. Ormondville.

He mea tuhi nei toku ingoa i tenei te rua tekau ma wha o nga ca o Hune, kotahi mano e waru rau e waru tekau ma rima.

JULIUS VOGEL,